

տրվութիւն մասին կենտրոնացնելու փորձութիւններէն հետո միայն հնա-
բաւոր եղաւ նրանց անվտանգ ժամանեալը Մարաշ, ապա Ադանայի վրայով
Մերսին, իսկ այնտեղից՝ Եմրոպա⁵²։ Զեյթունը մեծ դժվարութիւններից հետո
ստացաւ քրիստոնեայ կառավարիչ (աղզութիւն մը հուն՝ Յուվանակի)։

Զեյթունի 1895 թ. ապստամբութիւնը հայ ազատագրական շարժումների
փառապսակն է, ժողովրդական-զանգվածային ըմբոստութիւններից համեմա-
տաբար կազմակերպւածն ու ամենախոշորը։ Զեյթունի հերոսամարտիկները
հասան ոչ միայն բարոյական, այլև գործնական հաղթանակի, ստիպելով օս-
մանյան դահապետներին հաշտութիւն սեղանի շուրջ նստել ուղղադատում
հաղթանակած հայ ապստամբների հետ։ «Զեյթունցից այս խիզախ շարժման
շնորհիւ,— հետագայում իրավացիորեն գրել է Պլոսահը՝ նշանավոր հասարա-
կական գործիչ, դոկտ. Հ. Տաղավարյանը,— դեպի Փոքր Ասիոյ արևմտյան
Էգիւրնները առաջացող ջարդը կասեցւիցաւ, և կարելի եղաւ խնայել կիլիկիոյ
ամենաբարձրագոյն քաղաքը՝ Ադանան»⁵³։

Մեծ տերութիւնների միջամտութիւնն էլ կապւած էր զեյթունցիների
զինքի դիմելու հետ։ Դեպքերից մի քանի տարի անց Արշակ Չոպանյանն իրա-
վացի խորհում էր, որ նման ժամանակաշրջանում «ամբողջ Հայաստանի ավե-
լումը լուռ ու մուռն» դիտող Եմրոպան միջամտեց Զեյթունի գործերին, քան-
զի լեռնականները զենքով էին պաշտպանել ապրելու իրենց իրավունքը⁵⁴։
Զեյթունի ապստամբութիւնը հարստահարվող, բայց օտարի լուծը հեղու-
թյամբ շտանող, ըմբոստ ու ազատատենչ հայ գեղջուկի ինքնաբերական բողոքն
էր, ժողովրդական հզոր մի պոռթկում։

5. ՎԱՆԻ 1896 թ. ԻՆՎԱՊԱՇՏՊԱՆՈՒԹՅՈՒՆԸ

1895 թ. վերջերին, 1896 թ. սկզբներին արդեն Վանի ու նրա շրջակա գա-
ւառների ոստիկանական ու զինվորական մասերում ետուղեւ էր տիրում։

Հենց այդ օրերին էլ, արտակարգ լիազորութիւններով, բարենորոգումների
իրագործման անվան տակ, բայց իրականում հայկական կոտորածներ կազ-
մակերպելու նպատակով, Վան ժամանեց սուլթանի հանձնակատար Սաադեդդին
փաշան։ Նա անհապաղ շեղորացրեց ինչպես ժայռահեղութիւններից խուսա-
փող կուսակալ Նազիմ փաշային, այնպես էլ նրա օգնական Սուեփան Մելիք-
յանին, որը եւր էր միայն ստանձնել այդ պաշտոնը։

Դեռ Սաադեդդինի ժամանումից առաջ պարբերաբար Վան հասնող հա-
մատարած ջարդերի բռնի քաղաքի հայ ազգաբնակչութիւնը ստիպել էր լըր-
ջորեն խորհել մոտալուտ արհամիրքը դիմագրավելու մասին։

Վասպուրականի, հատկապէս Վանի ու նրա շրջակա հայութեան ինքնա-
պաշտպանութեան կազմակերպման նպատակով դեռ 1895 թ. կեսերին Սալմաս-
տից Վան էին անցել և քաղաքում ու մոտակա գյուղերում գործում էին հայ-
դուկային մի քանի փոքրիկ ջոկատներ։ Նման ջոկատներ ստեղծվել էին նաև
տեղերում։ Ավելի ուշ՝ 1895 թ. աշնանը, ծանր փորձութիւնների ենթարկւե-
լով Սալմաստից Վան անցան Ներսեսի (Գ. Պեղոյկյան), Վազգենի (Տ. Տերո-

52 ՏՃ՝ ա Ազաթի, Զեյթուն և իր շրջակայքը, էջ 357—373։

53 «Զեյթունի պատմագիրք», էջ 775—776։

54 ՏՃ՝ «Անահիտ», 1899, № 10։

յան) և Նիկոլի (Ն. Տեր-Հակոբյան) ղեկավարած խմբերը, ինչպես նաև Մ. Ավետիսյանը, որն անմիջապես վերստանձնեց Վանի արմենական կազմակերպության ղեկավարությունը:

Պարսկաստանից ժամանած զինված խմբերի հետ միասին Վանի ինքնապաշտպանությունը պատրաստվող հայ ազգաբնակչությունն ուներ ընդամենը հինգ հարյուրի չափ հին և նոր տիպի հրացան ու ատրճանակ:

Վանում և շրջակա գյուղերում ցրված պաշտպանական փոքրիկ ջոկատները, որոնցում մեծ մասամբ ընդգրկված էին 8—15 մարդ, ունեին ամեն խմբում մի քանի հրացան միայն:

1896 թ. գարնանը Վանում, համարյա ամեն օր, սպանության ու կոռուպտի բազմաթիվ դեպքեր էին տեղի ունենում: Հունիսի 2-ի լույս 3-ի գիշերը թուրքական զինվորների և քուրդ մաքսանենգների միջև տեղի ունեցավ շինծու մի ընդհարում, որի մեջ ներքաշեցին նաև հայերին: Իշխանությունների կողմից վաղօրոք դաված և նրբորեն կազմակերպած այս միջադեպը ազդանշան ծառայեց ընդհանուր շարժերի: Արդեն հունիսի 3—4-ի ընթացքում հրի ու սրի մատնվեցին ու կողոպավեցին քաղաքի մի շարք, հատկապես խառը բնակչություն ունեցող, թաղամասեր: Ապա հիմնական հարվածն ուղղվեց համարյա ամբողջապես հայաբնակ Այգեստան թաղամասի դեմ: Շուտով Վան հասավ Բիթլիսի աղետի զույժը: Վանում հայ բնակչության բնաջնջման նախապատրաստման գործում եռանդուն դեր ստանձնեց և թալանի ու կոտորածի առաջին հրամանը տվեց զորահրամանատար Հալիմ բեյը: Սկզբում շփոթված ու խուճապահար հայ ազգաբնակչությունը զգալի կորուստներ տվեց: Մակայն տազնապայի այդ օրերին Մ. Ավետիսյանի, Մարտիկի (Մարտիրոս Մարութանյան) և Պետոյի (Ալեքսանդր Պետրոսյան) ղեկավարությամբ պայքարի միացյալ ճակատ ստեղծվեց հայկական թաղամասերը զորհող թուրքական զորամասերի, համիդիեական զնդերի ու զավառներից քաղաք խուժած ռազմատենչ հրոսակների դեմ:

Այգեստան թաղամասում հրավիրված արտակարգ ժողովում որոշվեց միացյալ ուժերով դիմադրել մինչև արյան վերջին կաթիլը: Որոշվեց նախապես ցուցկազրկված հինգ հարյուր երիտասարդներին դիրքավորել թուրքական թաղամասերին սահմանակից երկհարկանի տների վերին հարկերում՝ ստեղծելով դիրք-պատենշներ:

Ստեղծվեցին երեսուների ավելի նման դիրքեր: Պաշտպանական միջոցառումներ ձեռնարկվեցին զրևթե բոլոր բնակարաններում, բակերում և պարտեզներում: Դիրքերի միջև ստեղծված էր հաղորդակցություն: Հրազեն ունեցողներից զատ, բոլորը զինվել էին ով ինչով կարող էր: Ինքնապաշտպանության առաջին շաբաթում համարձակ կռվում էին նաև կանայք: Հայ մարտիկներից շատերը, հատկապես դիրքապահ ջոկատների հրամանատարները և մյուս ղեկավարները, կրում էին հատուկ համազգեստներ և կարմիր խաչերով մորթե գլխարկներ: Մի շարք թաղամասերում թշնամու հեծելազորի առաջխաղացումը կասեցնելու և ընդհանրապես հարձակվող զորամասերի համար զոժարություններ ստեղծելու նպատակով կտրել ու ցած էին գցել Այգեստանի փողոցները երիզող հսկա ուռնիները, ինչպես նաև փակել էին առուների հուները և թաղամիջյան բոլոր ճանապարհները ողողել ջրով⁵⁵:

⁵⁵ ՏՊՊ 2. Աճառյան, Տաճկահայոց հարցի պատմությունը, Նոր Նախիջևան, 1915, էջ 40:

Մոլեզնած ալագակապետ Շաքիրը իր հորդանների գլուխ անցած, նոր-
դուզն ու Հայոց Չորը հրի մատենելով, նույնպես ներխուժեց Վան⁵⁶, Բագմա-
թիվ հայ ընտանիքների հաջողվեց խույս տալ և պատսպարվել էկեղեցիներում,
միախուսերական հաստատություններում, օտարերկրյա հյուպատոսարաններում
և իրենց հետ բարիգրացիական հարաբերությունների մեջ գտնվող թուրքերի
բնակարաններում:

Տակավիյն Վանի դեպքերի նախօրյակին սկսեցին Վան լցվել շրջակա գյու-
ղերի թալանված ու սրահալած բնակիչները, իսկ ինքնապաշտպանության օրե-
րին՝ նաև հեռավոր գյուղերից: Դրանք հիմնականում զառամյալ ծերեր էին,
կանայք ու անպաշտպան երեխաներ, որոնք նոր հոգսերի ու զովարություննե-
րի առջև կանգնեցրին սակավաթիվ հայ մարտիկներին: Այդուհանդերձ քաղա-
քի հայ ազգաբնակչությունը, հատկապես երիտասարդությունը, գինված թե
անզեն, մի քանի օր շարունակ, աներեր մնաց ինքնապաշտպանության դիր-
քերում:

Ինքնապաշտպանության առաջին փայլուն օրինակ տվողներից մեկը Ար-
շակ Զթվյանն էր, որը Կլոր Դար թաղում գտնվող մարտկոց դարձրած իր բնա-
կարանից, ներսև ժամկույրանի օգնությամբ, մի ամբողջ օր անվճատ դի-
մադրում էր ներխուժող թշնամուն, իսկ հետո միացավ Արարբ թաղի դիրքե-
րում կռվող իր ընկերներին⁵⁷:

Ինքնապաշտպանության առաջին իսկ օրերին Միհրդատ Նսայանի հորի-
նած «Կռվեք աղերք» երգի ղողանջները, հայրենաշունչ մյուս երգերի հետ, թե-
վածում էին դիրքից դիրք, ոգեշնչում բոլորին: Դիմադրությունը շարունակվում
էր: Բայց ուժերը խիստ անհավասար էին: Հայ մարտիկները, զուրկ զինամթեր-
քի ու սննդի անհրաժեշտ պաշարից, որևէ տեղից օգնություն ստանալու ակնե-
կալիք չունենալով, այնուամենայնիվ շարունակում էին հերոսաբար կռվել:

Անվստահությունը թուրքական իշխանությունների նկատմամբ ստիպեց
հայկական ինքնապաշտպանության առաջնորդներին կտրականապես միջոցել
Վանի օտարերկրյա հյուպատոսների միջոցով Սաադեդդինի արված նախնա-
կան առաջարկությունը՝ զենքը վայր դնելու և դիմադրության կազմակերպման
զեկավարներին Պարսկաստան հեռանալու մասին: Դրանից հետո երկուստեք
հրացանաձգությունն առավել սաստկացավ: Առանձին տեղամասերում հայ
աշխարհագորայիններին հաջողվեց ետ շարտել հակառակորդին, իսկ հունիսի
7-ին, ճակատամարտերից մեկում անցնելով հակահարձակման, նրանք զեն-
դակների տարափի տակ մոտեցան թշնամու առաջապահ դիրքերին և խլեցին
երկու հրանոթ: Սակայն Վանի անգլիական հյուպատոս Ուլյամսի խորհրդով
և Վանի թեմական առաջնորդ Սահակ վարդապետի հորդորանքով ինքնապաշտ-
պանության զեկավարները զենքը վայր դրին:

Անգլիական դիվանագիտությունը, հանձին Ուլյամսի, արտակարգ շահա-
գրողովաժություն էր հանգես բերում կանխելու Ռուսաստանին սահմանակից
վասպուրականում բռնկվող նման միջադեպերը: Եվ այդ հատկապես 90-ական
թվականներին, երբ Թուրքիայում խախտվել էին Անգլիայի նախկին դիրքերը՝
ի հակակշիռ Ռուսաստանի, Ֆրանսիայի և Գերմանիայի: Այդ էր պատճառը,
որ 1896 թ. սկզբներին Թուրքիայի արևելյան նահանգների անգլիական բոլոր

56 Տե՛ս Հ. Երամյան, Հուլիսատյան Վան-Վասպուրականի, հ. 1, էջ 353—354:

57 Տե՛ս նույն տեղում, էջ 360:

Հյուպատոսները ետ կանչվեցին և փոխարինվեցին նորերով: Սրանք իրենց նստավայրերը ժամանեցին, ունենալով հայկական հուզումները կասեցնելու, դրանով իսկ Ռուսաստանի միջամտությունն ու աղքատությունը Քուրբանյի արևելյան շրջաններում կանխելու կտրուկ հրահանգ⁵⁸:

Կրթող վեճերից ու հապճեպ գումարված խորհրդակցություններից հետո, հստակ պատկերացնելով ստեղծված իրադրությունը, զենքի, ռազմամթերքի և անդի պաշարների սպառման վտանգը, ինքնապաշտպանության ղեկավարները որոշեցին ընդունել Սաադեղզիի պայմանները՝ դիմադրությունը դադարեցնելու և պաշտպանության կազմակերպիչներին Պարսկաստան հեռանալու մասին: Քուրբական կողմը խոստանում էր չհետապնդել հեռացողներին և երաշխավորում նրանց ապահով նահանջը մինչև պարսից սահմանը:

Հունիսի 8-ի ընթացքում մեկուկես հազարանոց մի բազմություն, գինված ու անզեն, դուրս եկավ քաղաքից ու շարժվեց դեպի Վարազի լեռը: Նենգամիտ-Սաադեղզիյնը անարգաբար խաբել էր հայ զործիշներին: Մ. Ավետիսյանի ղեկավարությամբ Բաշկալե-Աղբակ ուղղությամբ շարժվող խումբը և նրան միացած անզեն բնակչության մի զանգված, ավելի քան վեց-յոթ հարյուր մարդ, ս. Բարդուղիմեոսի վանքի մոտ շրջապատվեց Սաադեղզիի ուղարկած Քուրբական զորարանակի կողմից: Տեղի ունեցած անհավասար մարտում նրանց մեծագույն մասը զոհվեց: Երեսուն, երեսունհինգ մարդու միայն հաջողվեց խույս տալ հետապնդումից և անցնել Պարսկաստան: Մարտիկի և Պետոյի ղեկավարած շուրջ ութսուն հոգուց կազմված խումբը, մեկ շաբաթ Վարազի լեռներում պատսպարվելուց հետո, փորձեց նահանջել դեպի պարսից սահմանը. սակայն այս խումբը նույնպես ճանապարհին անակնկալի բերվեց և պաշարվեց. բոլորը նահատակվեցին:

Ինքնապաշտպանության մաքտիկների քաղաքից հեռանալուց անմիջապես հետո Քուրբական զինվորները, քրդական հրոսակները Հալիմ փաշայի առաջնորդությամբ խուժեցին հայկական թաղամասերը, թալանի և ալիերի մատնեցին ամեն ինչ, սրի քաշեցին անզեն ու անմեղ մարդկանց: Մոլեգնած բարքարուները պատսպարաններից հանում և տեղն ու տեղը սրախողխող էին անում երեխաներին, կանանց ու ծերունիներին⁵⁹: Հայկական թաղի հարյուրի չափ բնտանիքներ, որոնք պատսպարվել էին քաղաքապետ Ղալիպ փաշայի տունը, դուրս բերվեցին իրենց թաքստոցներից ու մինչև վերջին մարդը խողխողվեցին: Միայն չերբեղ զորահրամանատար էմին բեյին հաջողվեց կանխել Վանի Քաղաքամեջ կոչվող կենտրոնական մասում շարդի մեծ շափերով ծավալումը⁶⁰: Հրո ճարակ դարձան Հայկավանքի, ս. Հակոբի, Հանկոյսների եկեղեցիները՝ իրենց կից շինություններով, վարժարաններով և Այգիստանի մեծագույն մասը:

Մեկ շաբաթ տևած հերոսամարտում զոհվեց շուրջ հինգ հարյուր մարդ, որոնցից շատերն ընկան դիմադրության կազմակերպումից առաջ, իսկ մի զգալի մասը՝ գինված երիտասարդության հեռանալուց հետո:

Առավել խոշոր էին Վասպուրականի գյուղական աղգարանալիության կրած կորուստները: Բնակչո շատերին հաջողվեց փրկվել ու պատսպարվել Վարազա

58 Տե՛ս ՌԱԲԱ, ֆ. «Քաղաքիվե», 1903, գ. 1013, ք. 503:

59 Տե՛ս «Արարես», դիրք Բ, էջ 105:

60 Տե՛ս Զ. Նումյան, Հուլիսամայան Վան-Վասպուրականի, հ. 1, էջ 368:

լեռներում, Նարեկի վանքում, Աղթամար, Լիմ, Կտուց կղզիներում և այլուր, բայց շուրջ բաժնի հազար անմեղ զոհ խեղ հուսիսյան այդ աղետը Վանի շրջակա գավառներին: Ահալի ու սահմակեցուցիչ էր մանավանդ պատմական Փաշեբուկի՝ Արճնի զանգվածային կոտորածը, որը ղեկավարում էին համիդիեական զեղերի հրոսակապետները և որոնց անմիջական հրամաններով մի քանի գյուղերում հայ բնակիչներին կենդանի-կենդանի թաղեցին ցորենի հսկա հորերում, Արճնի միայն վեց գյուղերի 580 ընտանիքներից կոտորածներից հետո մնացել էին 39-ը⁶¹: Ահավոր ջարդեր կազմակերպվեցին նաև Հայոց Ձորում, Գավաշում, Կարճկանում և այլուր: Վայրենաբար կոտորվեցին ու հրկիզվեցին Վասպուրականի համարյա բոլոր նշանավոր վանքերը: Պատմական բազմաթիվ հուշարձանների հետ միասին ոչնչացվեցին մեծ թվով թանկարժեք ձեռագրեր:

Գավառներում, սեկայն, եղան դեպքեր, երբ թուրք կամ քուրդ ավազանու առանձին ներկայացուցիչներ իրենց հովանու տակ առան և պատասպարեցին հայ ազգաբնակչությանը: Նշանակալի է հատկապես Մուկա գավառը, որտեղ Մուրթուլա բեյը թույլ չտվեց կոտորած կազմակերպել «իրեն պատկանող» տիրույթում և Մուկը համարյա զերծ մնաց ջարդերից⁶²: Նույն ձեռք փրկվեց նաև Բերկրին: Ինքնապաշտպանության և զինված դիմադրության շնորհիվ, մի քանի շրջանների, հատկապես Շատախի, գյուղերը փրկվեցին կոտորածից:

Հունիսի 10-ին, ահավոր ջարդերից հետո, Սաադեդդինի թելադրանքով, Վանի անգլիական հյուպատոս Ուլյամսը համոզեց թեմական առաջնորդ Սահակ Բագրևանդցի վարդապետին՝ հավաքել մի խումբ հայ մեծատունների, որոնք և Վանի հայության անունից շնորհակալական մի հեռագիր հղեցին «ամենակարող ու ողորմած» սուլթանին. Սեկայն նա անգործ եղավ կանխելու ոչ միայն այդ դեպքերից հետո սկսված ձերբակալություններն ու քրտորը, այլև փրկելու անգամ իր սեփական անձը: Նա արտաքսվեց Կ. Պոլիս՝ «սալաշխաբելու»:

Նահանգի հայ բնակիչներից շատերն այդ մահտարածամի օրերին բռնի կրոնափոխվում էին⁶³: Սկսվեց նաև թալանված ու վշտաբեկ բազմությունների խելակորույս արտազգաթը դեպի հարևան երկրները՝ Ռուսաստան, Պարսկաստան և այլուր:

1896 թ. վերջերին Վանում վերստին իրարանցում սկսվեց: Շատերը խուճապահար փորձեցին ապավինել օտարերկրյա հյուպատոսություններին: Բայց շուտով արշուճահեղույթները կանխվեց: Վան հասած հուլիական բարենորոգումների իրագործման բարձրագույն կոմիտայի Շաքիր փաշան հեռագրեց Կ. Պոլիս՝ իրեն վերագրելով խաղաղության հաստատումը: Այս վերջին միջադեպը Վասպուրականի տարեգրության մեջ մտավ «փոքր դեպք» անունով, ի տարբերություն հունիսյան իրադարձությունների, որ կոչվեց «Վանի մեծ դեպք»:

6. ՀԱՅԿԱԿԱՆ ԶԱՐԴԵՐՆ ՈՒ ԽՔՆԱՊԱՇՏՊԱՆԱԿԱՆ ՄԱՐՏԵՐԸ

«Մայիսյան բարենորոգումների» շուրջը ծավալված աղմուկից հետո, թուրքական սուլթանը համոզվեց, որ եվրոպական տերությունները մտադիր

61 ՏՃ՝ ԲԱՔԱ, ֆ. Կոստանդնուպոլիսի զեպանություն, 1898, գ. 1584:

62 ՏՃ՝ «Геноцид армян...», стр. 105—106.

63 ՏՃ՝ նույն տեղում: